

南平縣志卷之十四

人物

仕蹟

君子之仕行其義也切尊親之戴則展効宜愬  
摯胞與之懷斯匡救爲急士當十年就傅時嚶  
嚶焉以古人自期許及若若之綬當前而智輒  
昏矣無他身家之念重而得失之見錮之也南  
平山環水抱清奇之氣鍾爲人才炎宋以來彈  
冠者類能蹟著三異潤及九里或吏不敢欺或  
人懷其惠循聲懋最麟炳於方策間宰斯土者  
開卷而憬然於鄉人之仕他郡如此其愛民如  
此其不負學也庶乎亦有以勵之也歟志仕蹟

南平縣志

卷之十四

仕蹟



人物

仕蹟

宋

吳輔 魏任 陳麟

練斌 吳播 吳方慶

魏郁 范潔 黃藻

吳一鳴 吳應酉 俞亨宗

李信甫

吳輔天聖八年登第授道州推官會有傳寇至者

南平縣誌

卷之十四

仕蹟

二

郡僚欲毀橋城守輔曰橋以南皆吾民也安可

棄耶聞者壯其言民心乃安寇卒不至

魏任字亨之

之游志作老

唐太常少卿滋七世孫元豐

五年進士初尉海鹽以獲賊功授虔州節度推

官郡卒有忤太守意者將寘極典任力爭之上

其讞於朝卒從任議徙斬州防禦推官攝羅田

縣事縣適草創任經營有方民以不擾用薦改

知虔州石城縣豪強斂手盜賊屏跡雨暘不時

祈禱隨應以慶典轉奉議郎兵馬都監賜緋

吳輔小傳僅載仕蹟一條無乃太簡閱前

鄉賢類吳儀小傳附載輔仕蹟數條比本傳更詳今為批明以俟修志移入



陳麟字夢兆舊居劍浦後娶于沙因家焉大觀三年登第授閩縣令有富室誣里民為盜麟辨其冤尋獲真盜邑人神之勢家欲徙人墓部使者以屬麟麟不可使者杖縣吏撼之終不為動使者復令諸邑求翠羽奇花怪石麟亦不顧使者恚甚使謂之曰汝何恃敢爾應曰孤寒小官恃潔已耳紹興初知韶州鄰寇至率所部敗之獲其渠魁及餘黨數百人擢河南轉運判官孫光遠石城令

郡志沙縣志俱載麟舊居南平省志以為權孫未知何據

### 南平縣誌

### 卷之十四

仕蹟

三

練必為旌陽令雅有清操凡飲酒遇清者人輒曰此練長官酒也

吳播君稱子政和五年進士紹興間知建寧縣謹飭有吏才省科役抑豪強潔已愛民民甚德之吳方慶字少琳雷州刑曹觀長子宣和三年進士臺檄考試昭武得李綱卷批云必能為國了事擢為解首調尉永昌以外艱去起授福州司戶歷知松溪縣以禮化民修崇學校多所成就歲饑開倉賑給境賴以全邑有崇先潛結凶黨為



變期夜半竊發方慶廉得其情先期警備賊計無所出遂就擒獄具白郡郡將嫉其能一切釋放方慶力爭不得後范汝為復起果皆其黨既以秩滿還鄉會李綱卒遂無意仕進屢請不得復調遂安軍節度推官紹興始以通直郎致仕歸結廬曰真佚及卒妹婿李侗為之狀

魏郁字周文滋八世孫少遊學京師中上庠建炎二年成進士補漳浦縣尉適洞蠻竊發朝命招撫之郁被檄先往數日朝命不至蠻以為誑已

南平縣誌

卷之十四

仕蹟

四

使立雨中窘辱之毅然不為屈後蠻得朝命大悅厚宴郁餽以白金五百兩馬二匹郁辭之不獲悉以歸公族人虎臣政和間以貢任豐城簿奉檄按視陂堰覈實無所隱匿遷朝陽丞亦有清儉聲

范潔字景圭南渡初知新昌縣披榛櫟撫瘡痍以創縣治紹興間守光化軍後守鄂州終於漕使

二子留居新昌

據閩書增

黃藻紹興丁丑進士乾道閒為清流令興學養士



躬課試而激勸之縣有貼銀鈔鹽錢藻請蠲之  
催科必究利弊惟恐厲民歲大歉行勸分法民  
以不饑鄰寇作自相戒曰彼有善政慎勿犯之  
秩滿去任老稚攀留數日始得出境

吳一鳴字伯大號定齋紹定五年進士爲潭州益  
陽尉帥李華聞其賢置之幕下政事一以委之  
復薦于朝遷泉州德化令時康維新帥漕或謂  
之曰三司例得歲舉其屬一人公何獨不薦維  
新曰留以待吳一鳴也遂薦之調長樂令縣豪

南平縣誌

卷之十四

仕蹟

五

家逋租歷數令不能詰一鳴督之輸納恐後期  
年倉廩皆盈乃廣學舍修公廨邑人作歌頌之  
邑有盧尚書被劫得賊所遺一刀一鳴悉召鐵  
工示之一工認爲泉州巨賈從人所作物色得  
之一訊而服人以爲神後爲仇家所誣去任行  
李蕭然邑民遮道號哭執政亦知其枉擢臨安  
僉判樞密鄭清董修大內疾作知一鳴賢委使  
代之官終浙東帥司機宜

吳應酉字叔西嘉熙戊戌進士歷仕司理司錄各



有能聲調廣東提幹減鹽價增官窀私販無所牟利倉漕三臺交薦之再調宰瑞金感寨官勸梗民轉朝奉郎遷信州倅父老遮留之為福州宗丞純用儒吏直監解試揭曉每放一名則衙吏一人降階拜問之曰向皆掾之子孫也遷徽州倅秩滿歸甫抵家聞北兵入不食不語而卒

俞亨宗字原章嘉泰初以朝請郎知漳州罷粥鹽及河渡等累又捐俸代民納丁錢民德之按亨宗王

子省志載大田人漳州府志徑載不知何許人延郡舊志則云原漳平人后析隸大田惟甲子

### 南平縣誌

### 卷之古

仕蹟

六

省志以為南平人舊志從之未知孰是

李信甫名友諒以字行後改字誠父延平先生次子同兄友直登紹興丁丑進士第初任建安主簿仕至監察御史以特立不容於朝出知衢州

明

王宗仁 葉宜 魏宗

李勝 吳毅 陳綸

王顯 張榮 朱顯

吳珙 吳泰 陳紳



黃煥

吳必學

黃成樂

吳思立

朱成武

林若桂

甯烈

黃縉

王以蒙

林有梧

邱憲章

應懋璜

黃應春

陳應桐

吳道宜

徐登第

楊秉紀

余履信

陳國楨

林以文

林鐘鳴

甯善

黃夢瑞

魏懋績

游文信

江榮

林有楨

南平縣誌

卷之十四

仕蹟

七

駱天閑

楊大韶

楊大武

李鳳翔

林埜

游綸

黃應林

游於北

陳正謨

游於廣

葉成章

王宗仁洪武初知會稽以廉能著秩滿去父老擁

留祀名宦

葉宜字守義永樂壬辰進士除貴州銅仁府同知

地屬蠻徼宜拊循有道民懷之丁艱服闋擢戶

部郎中出知衛輝府時有蝗為民患宜齋沐禱



於城隍數日忽有羣鳥飛而食之蝗盡而鳥亦死宜出米與民令收死鳥穿大穴瘞之自爲文以祭號曰鳥塚遷浙江左叅政致仕祀鄉賢魏宗字本敬美丰儀尙寬恕有幹濟才以歲貢同知台州陞廣州知府調守寧波至則咨詢民情察利弊而興革之驗民丁稅以均其役揭示通衢里胥莫能高下置櫃座側訟至納詞其中以次推理一出已斷訟庭寂然有獄空之頌

李勝字仲寬以楷書薦預錄永樂大典書成願就

南平縣誌

卷之十四

仕蹟

八

養期發身科目九年舉於鄉授無爲州判官蒞事勤慎崇儒術有惠政民德之肖像祀於李冰祠

吳毅字仲剛由歲貢入太學宣德間授戶部主事居官清介嘗督儲浙江藩司黃潭見其衣樸素具鮮麗者四襲餽焉毅對使一一服畢遂解付之曰善致黃公已承惠矣奚必垢做然後爲毅之服哉縉紳咸嘉其廉云

陳綸字孔經景泰庚午舉人授知新興縣時土寇



鄧李保等附流賊爲患所司屢招不下巡撫總兵統大軍欲進屠之綸請緩師躬詣賊壘諭以順逆許其自新賊感悟皆稽顙乞降誅厥渠魁所活萬計媚功者以事羅織去之

王顯字仕鑑景泰間援例入太學天順中任府軍左衛經歷清介有聲都御史軒輓薦之陞貴州按察司經歷操守愈堅貴撫陳敬薦爲本司僉事不報委署分巡印務丰采凜然秩滿致仕家徒四壁終日怡然以壽終至不能成殮士大夫

南平縣誌

卷之十四

仕蹟

九

咸重之

張榮字顯仁景泰間貢入成均成化五年授星子令時民多流竄巡撫夏時正檄有司招徠之榮以民無生業故多逋亡乃括邑之間田招使耕藝勸富民助之牛種民復業者百餘戶居任九載民懷其德奏績稱最遷江西布政司理問致仕

朱顯成化間知香山縣性寡交遊門無私謁扶弱抑強悍卒豪民觥觥搏心在事六年以憂去



吳珙字廷瑞成化壬辰進士知臨淮縣時城爲河水所滄民遭墊溺珙至請於巡按調撥軍夫萬餘人開濬使水有所歸復增築東西二壩以防之至今民賴其德外艱起復補龍泉縣廉介自持一身所需必取諸其鄉陞戶部山東司主事以病歸子觀瀾傳見孝義

吳泰字守謙洪治甲子舉人授仙居教諭陸九江府判未行卒泰清修勵節善迪士子多所成就仙居人文罕著得泰司教遂以寔盛及卒多士

南平縣誌

卷之十四

仕績

十

哀之祀仙居名宦

陳紳字文佩正德己卯鄉薦知寧遠縣地界西粵襍以苗民強梗難治紳徧歷鄉曲召諸長老諭以禍福諸苗悚聽莫不帖服居官三載邑稱治入覲考最以任遠母老不便迎養三疏乞改教職補廣州教授便道抵家一日而母卒紳哀慟成疾未幾亦卒

陳應鶚紳子嘉靖丙子鄉薦歷判濟南府督餉遼東出納無私邊軍心服政暇教民接竹引水溉



田邊民轉相效法年獲有秋陸知萬州致政歸  
陳正謨字宗禹紳孫萬歷甲戌進士授黟縣令以  
才調知休寧先是歲賦絲絹倚辦於歛歛有宦  
於朝者請均派祁休婺績四縣民間譁然幾至  
激變正謨爲民請命力爭得免事息爲忌者所  
中罷歸

黃煥後改名矯嘉靖甲午舉人在黃州通判賦性  
剛勁蒞事嚴明清查藩府錢糧覈實招怨後署  
縣事復以執法爲權勢所尤未踰年遷王府審

南平縣誌

卷之十四

仕蹟

十一

理

吳必學字以思嘉靖丁酉鄉薦初署容縣教事大  
修學舍題科貢姓名於堂左右邑絕科目垂五  
十年自必學振興遂有領鄉書者遷知亳州減  
徭役建學宮內艱服闋補海州時倭寇猖獗築  
城扞禦民賴以安改象州設法靖獠賊屬歲屢  
稔竭力賑恤遷九江同知復補臨江所至以清  
介聞致政家居多所撰述郡守易可久延修郡

志



黃成樂字和卿六世祖宗寶明初以明經赴廷試授知靖州捐俸成梁十七座民無病涉終長沙知府成樂嘉靖壬子鄉薦歷知茶陵州擢松江同知畫策弭盜治河浚渠民間稱便後病以長史致政歸

吳思立字叔禮以貢授茂名教諭毅然以師道自任茂學舊無文廟立請建之以艱歸補龍泉諭陞國子監典籍出宰大埔有墐坑看牛坪三賊巢世爲潮患思立諭以恩信賊佯服陰叛廉知

南平縣誌

卷之四

仕蹟

三

其狀迺相機搗其巢不煩重兵賊衆悉平潮民爲勒石紀功遷知上石州致仕性友愛伯兄子貧爲贖田贖之仲兄歿殯葬盡禮年七十五卒著有正學發軔射禮全書四文類抄藏於家

朱成武字維烈嘉靖乙卯舉人知封州縣大羅各山洞賊寇城成武率所練兵力禦却之擢判潯州歷柳州貳守以母老乞養歸

林若桂字斯芳由選貢授溧陽學訓陞遂昌諭興文課士多所造就當道重其丰裁待以殊禮事



具兩邑碑誌中陞廣西宜山令邊徼物產蕭條  
民獠雜居梗化難馴若桂正巳率物因俗利源  
因循者悉加振刷歲旱集誠禱雨歲饑捐俸濟  
貧白生員徐一槐等之寃計除巨寇藍龍虎等  
之兇當道交薦得旨褒嘉入覲考最回任道卒  
宜人哀思之

寧烈字思長嘉靖甲子舉人授登封令蒞事勤慎  
風裁峻整爲宦者所誣謫廣西首領尋遷興業  
令處置民徭各得其道終以不肯詭隨解組歸

南平縣誌

卷之四

仕蹟

三

黃縉字時升由選貢授銅陵令復社學墾圩田銅  
陵無城沿江多警縉始築之

王以蒙字養夫萬歷癸酉舉人爲如臯令歲饑設  
法賑濟全活甚衆濬河告成蒙上賞百姓以租  
調至者令自封識投砧毫無染指擢守沔陽未  
任卒

林有梧字德陽父瑄字仲和孝事繼母善視諸侄  
爲諸生時海忠介瑞特獎薦之以貢選任博白  
令解綬歸不問家人產業有梧萬歷丙子舉人



時議割坊表價立先師祀田有梧了無難色後  
守姚州清介自矢姚故夸土選社師嚴鄉約以  
化誨之督夜巡查哨舖以防緝之卹貧生旌節  
孝善政具舉擢撫州貳守未任調知秦州操守  
彌厲值歲大旱步禱以勞卒囊無長物秦人哀  
思祀之名宦

邱憲章字從周萬歷丁未進士授廣東惠州推官  
砥礪名節水蘖馳聲矜慎刑獄多所平反壬子  
分校所取多得人考績行取以內艱卒祀鄉賢

### 南平縣誌

#### 卷之十四

仕蹟

古

應懋璜年二十登萬歷辛卯賢書教諭錢塘多所  
造就歷知融縣保山二邑皆有聲

黃應春字仁甫爲諸生時孝友無間言宗族多所  
存恤以貢司訓新淦遷感恩諭署樂會邑篆講  
鄉約汰冗兵革陋規當道交薦擢國子助教致  
仕歸杜門訓子鄉里稱之

陳應桐字維澍父祚早喪撫幼弟應昌友愛備至  
由選貢任長汀教諭楷範端肅青衿貧者割俸  
周之至今見思



吳道宣由歲貢歷鄖陽教授學問該博模範端方  
署邑篆有水蘖聲養親孝謹鄉人重之舉祀鄉  
賢著有楚遊文集

徐登第字時傑爲諸生有學行以貢授學博教士  
以身心性命之學部使者首薦之擢知容縣茹  
蘖持法以侃直掛冠歸

楊秉紀字國理由歲薦歷教宣平江夏處州所至  
却諸生贄攝龍泉青田篆一無所染嘗著晚閣  
庭訓有貽謀以積德爲先處官以正倫爲主留

南平縣誌

卷之十四

仕蹟

五

有餘於百姓惠無疆於子孫之語

余履信字順卿以恩貢入太學中萬歷辛卯應天  
副榜謁選授太倉州判水蘖自誓特立不阿爲  
忌者所排移粵闈幕攝連州篆歲荒力請發賑  
多所全活海氛猖獗監軍援勦殲渠魁撫脅從  
遷楚府審理歸年七十五卒子慎行傳見孝義  
陳國楨號調梅萬歷庚子舉人授泰寧諭遷長寧  
令值山寇陳萬鍾據九連山朝命三省會勦糜  
金錢十萬不下國楨率鄉勇計搗其穴斬級七



百賊奔潰事聞賜宴紀錄時議闕九連爲連平  
州以彈壓之臺司故才國楨委使經營勞畫不  
日告成先是萬歷癸酉族叔聯芳按粵勦寇開  
縣長寧邑民俎豆之迄國楨宰是邑開連平又  
當癸酉事若脗合邑人合祀於百口塘行取考  
選值內艱歸服闋補戶部主事國楨幼洽羣書  
老而不倦著有車塵襪述豎語焚餘壑丹外言  
諸刻

林以文字維博由恩貢司訓連城瑞金陞鄱陽諭

南平縣誌

卷之十四

仕蹟

六

署瑞金石城信豐三邑篆信有監生某閨閣爭  
寵妾悍自經死訟久不決以文下車立平其獄  
太學獻數百金爲謝固却之邑民有越訴者當  
道謂之曰汝邑林博士一錢不取汝何梗化至  
此積穀額餉舊逋未清者文捐俸代償士民德  
之邑侯閔址以文故所知士也登堂而拜且遺  
金帛辭曰汝筮仕方新安辦此閔嗟嘆久之致  
仕歸卒祀鄉賢

林鍾鳴字啟純以文次子孝友醇篤父鍾愛其弟



父卒體父志卯翼其四子逋課鬻屋代之償由  
明經訓廣信課士得人相與分韻賦詩濁酒素  
琴怡然為樂攝興安縣篆興自開治未有第者  
鍾鳴為建塔鑿池增培地脈是科果第廣信亦  
停科至再三鍾鳴為正覺路鑿春浦門以迎江  
潮卯辰遂聯魁數人自後不輟皆公之貽及陞  
政和教諭未任卒孫子潤纂傳見孝義  
甯善崇祀鄉賢傳原缺

黃夢瑞萬歷甲午舉人癸丑副榜初授廣寧令擢

南平縣誌

卷之十四

仕績

七

撫州郡丞數攝郡邑篆皆有政聲九宰陞思州  
守致仕年七十二卒後二年郭天才率衆入閩  
所至焚掠其部曲多江右人至館後見夢瑞匾  
額相戒勿犯

魏懋績字大昭萬歷壬子舉人為文昌令五載城  
多火患懋績精堪輿更建南門患遂息理冤剖  
牘有廉平稱以梗直解組歸

游文信一作文義字國寶由選貢任海豐教諭署  
邑篆值大征調度有方於民不擾遷隨州學正



致仕

江榮以歲貢司訓縉雲屬久早有司祈禱不應榮積誠具疏言某雖不與民社天寧忍此子遺忽大雨如注以病卒官士民惜之

林有檣字本用萬歷間貢入太學授卽墨令邑多寇有檣命築堡設候有警則鳴鑼堵截瞬息達數十堡寇無所竄患遂息有利財殺人而沈諸江者魂憑隣婦以訴有檣為理其寃僧愁山以太后賜銀巨萬建寺聚衆千數為言官所論詔

南平縣誌

卷之六

仕蹟

六

毀其寺撫按以太后故集屬議之且曰以此者云何有檣曰是必遵旨愁山以危語囑之曰是欽奉慈懿中有祝聖龕二誰敢犯有檣圈其置御容者曰留此餘悉毀愁山竟謫戍蒞治三年致政歸

駱天閑字履康天啟乙丑進士知宜興縣時有宦門故常托庇於鄉先達者其子孫中落欲奪其厦天閑令懸像以感之宦奪如故且啣天閑坐以浮言聚黨傾之調知嘉興左遷應天教授歷



禮部儀制司主事罷歸

楊大韶字子舜由將樂徙居南平以鄉薦任唐山令再補武緣八寨獍韋銀豹等分據作梗大部單騎入寨諭降之監軍霍與瑕曰楊君膽畧可當萬夫

楊大武字子周與大韶讀書麁山之巔以歲薦司訓汀州晉江遷建安教諭端方善誘貧士尤加優恤所任皆有遺愛碑記

李鳳翔字天瑞由監生應天府中式任江西瑞金

南平縣誌

卷之十四

仕蹟

九

知縣性勁特於世寡諧居家以禮自持蒞瑞金甫八日卽以病辭歸卒於家

游綸字邦濟以貢卒業南雍嘉靖乙未謁銓時子居敬已職御史綸義不干請授睢寧縣尹爲政務安養休息爲民蠹者急除之攘蝗灾濬河道民得粒食憫邑疲瘵申減協濟邳州夫千餘名歲以爲常睢民至今德之致政歸閉門簡出非飲射不履公庭謝請託餽遺純實簡樸有古人風鄉無少長皆信慕之子居敬歷官藩臬遺書



勉之曰盡心職業卽爲孝友其狷介之守教誨之正類如此及卒國子司業呂懷銘之曰舉世尙功惟公樹德舉世尙言惟公守默躬行實踐不愧慥慥君子云

黃應林字德甫前叅政焯仲子由鄉薦令遂昌以才優調太平楚門海田多爲潮汐所齧應林請之當道築堤疏河邑有雁鳴山堪輿家以爲文峰宜聳爲捐俸建塔以培之復調樂昌治聲蔚起致政歸益敦友愛著有四書講義量田管見

南平縣誌

卷之十四

仕蹟

十

藏於家

游於北字懷蓋由恩選令雩都有巨奸殺人匿尸會問屢更莫決北廉得其狀獲尸牆下奸大驚服當道旌其能調醴陵令丈量一灑風弊民大稱便

游於廣字懷約父居敬開府滇南被逮廣力辨父冤由諸生入太學援蔭敘授太僕簿節縮馬金千餘遷上林丞歷官戶曹郎總摧邗關預修玉牒以勞卒於官



游王庭端直諒愨砥行睦隣由貢歷訓建陽於潛  
攝二邑篆操持勁潔宦歸饗養不繼教授生徒  
與賓筵十有六巡按朱克簡扁曰枌榆偉望以  
旌之

葉成章號台元博雅不羣以恩貢任承天倅治蹟  
表著居鄉四十載敦睦簡靜懿行足風壽九十  
有三

國朝

鄒儀周

陳

儼

子世  
蔭

林日勳

南平縣誌

卷之十四

仕蹟

三

林鍾

謝聖揚

子珍  
瓚

危世美

黃宮柱

李永芳

危履亨

鄒儀周字西齋順治戊子舉人知丹徒縣慈惠勤  
敏遇事敢言士民勒碑焦山有一江明月兩袖  
清風之語後致仕歸甲寅耿變被拘下獄備受  
酷刑堅志不從嘔血卒

王師入閩臬司吳興祚以抗志不從忠節可嘉褒之  
陳儼字昌望國禎子以戊子拔貢考授司理改知  
青縣邑經兵燹兼遭河患井里蕭條而旂莊石



田浮額至三千兩大爲官民累儼力請蠲除民  
乃復業墾地千餘頃時興濟合并於青儼以兩  
學生徒近七百人請廣廩貢之額於是青庠額  
廩三十歲貢二人實爲曠典奏績當內遷以梓  
里奏銷罷當事惜其才題補樂城以卓異薦復  
因部棍冒支庫帑解任赴理改知鎮平鎮故多  
盜置法者歲且數百人儼至力行保甲措置有  
方頑民漸革會順撫新舊乖違以青邑豁荒爲  
罪波及報罷儼三任巨邑多惠政如誓河而妖

南平縣誌

卷之十四

仕蹟

三

竈潛踪祭野而蝗不入境尤爲異蹟子世蔭由  
貢丞平遙歷威縣令外艱起復補知崇陽歲饑  
設粥賑貧全活千計民鬻子女代贖之矜慎刑  
罰不以苛察爲能陞順天府判晉戶部雲南司  
員外郎年八十卒於京

林日勲字以洪由歲貢司訓邵武攝光澤邑篆值  
防汛兵變有撫戢功遷政和教諭興學造士士  
爭從之喜讀異書搜奇抉奧不屑隨人年九十  
有三卒



林鍾字仲呂順治戊子拔貢任豐城丞擢知靖安縣邑遭寇災民人逃竄鍾至力爲捍禦身入賊營諭以禍福賊不敢犯城者二年後大兵進勦鍾爲運籌賦悉就撫復請蠲逋賦修文廟課諸生百務以次重新年七十致仕歸祖餞泣送絡繹於道著有岷江集拙菴紀事歸園集

謝聖揚字言夫康熙辛酉舉人授平南知縣縣經吳逆兵火之後僅存茅屋數百間聖揚下車卽爲殘黎請命詳免追徵陋規日夜拊循哀鴻漸

南平縣誌

卷之十四

仕蹟

三

集以勞勳卒官于瓚康熙庚午鄉試第二人爲和順令縣居太行絕頂食用取給於商稅稅重人多裹足瓚革去私稅免里民解糧襍費民甚德之以內艱歸父子繼宦囊橐蕭然人服其清德次子珍改名作霖由歲貢司崇安訓舊無學署捐俸建造請定學租以贍貧士士多稱之

危世美字虞臣康熙己酉舉人歷任崇安晉江教諭勤於課士撫軍金聘修閩省通志陞知利津縣始卒值歲旱蝗設法驅捕虔禱立應徵收漕



糧剔除陋規潔已愛民口碑載道致政歸間里  
誦其謙厚延為鄉飲上賓

黃宮柱字擎菴康熙壬子舉人任邵武教諭壬戌  
成進士授鎮海令清慎勤敏百廢具舉歷吏部  
郎中典江西鄉試能得士生平醇謹有長者風  
李永芳字聲紹康熙庚子舉人選餘杭知縣改調  
當塗倡修府縣學擴充齋房義學延明師時親  
考課募佃墾官灘蘆洲獲租營息充普濟堂以  
贍孤貧值歲荒流民載道詳請賑恤秋成給費

南平縣誌

卷之十四

仕蹟

十四

送還本籍湖陽等處蝗災躬督屬撲滅歲以大  
熟在任八載以病歸

危履亨字又武乾隆癸未進士授趙州臨城令邑  
久旱八月抵任始得雨邑有五龍廟為禱雨之  
所日久就圯即加修葺又梓潼宮舊附學中殿  
宇湫隘無以展禮四十二年度地於學旁拓地  
數武捐俸創建四十三年重修鸞鷲書院暨諸  
生肄業之所煥然一新是歲又旱百姓乏食先  
施粥賑濟繼請官糶鄰境蝗蟲四起本境十六



社安然無恙大憲旌之尋以老病致仕

南平縣誌

卷之十四

仕蹟

五



南平縣志卷之十四

人物

封贈

宋舊志封贈載自明始今據譜狀可考者增宋八人考李侗行狀曾祖幹祖纁父渙皆有贈秩未

載以其官贈仍闕之

吳仁肇 以子輔贈直方員外郎

吳輔 以子君偁加中散大夫

吳君偁 以子擢加贈正奉大夫

吳覲 以子方慶加承仕郎

吳升 以子武陵贈通直郎

張某 以子維贈朝議大夫

吳奎 以子一鳴加通直郎

吳翊 以子應肅加朝奉郎

南平縣誌

卷之十四

封贈

明

葉善德 以子宜贈承德郎戶部主事

劉彥高 以孫璋贈嘉議大夫加贈資政

部尚書 劉通 以子璋累贈嘉議大夫都察院

右副都御史加贈資政大夫工部尚書

羅販遠 以孫明贈嘉議大夫都察院右副都御史

羅永齡 以子明贈文林郎河南道監察御史加贈嘉議大夫都察院右副都御史

朱大有 以子成文贈奉政大夫柳州府同知

黃中 武康丞以子焯贈承德郎南京禮部主事

胡勝得 以子瓊贈文林郎山西道監察御史



張仕謨

以子榮贈文林郎

游綸

睢寧知縣以子居敬封中憲大夫廣東按察使司副使

游居敬

刑部侍郎以子于廣南京戶部郎中進贈通議大夫

林暄

以子有梧贈奉直大夫饒州知州

陳惟孝

以子國楨贈文林郎廣東長寧縣知縣

邱雲龍

以子憲章贈文林郎廣東惠州府推官

黃應元

以子夢瑞贈文林郎廣東廣寧縣知縣

林孟榮

以子暄贈文林郎廣西博白縣知縣

黃崇禮

以子宗寶贈中順大夫長沙府知府

南平縣誌

卷之十四 封贈

黃彥成

以子性贈奉議大夫泰州知州

黃禧

以子成樂贈奉直大夫松江府同知

黃應宿

以子嘉爵贈奉直大夫興國州知州

駱良詔

以子天閑贈文林郎直隸常州府宜興縣知縣

范良臣

以子廷舉封徵仕郎豹韜衛經歷

蕭亮

以孫馥贈昭勇將軍

蕭天貴

以子馥贈昭勇將軍錦衣衛指揮使

國朝

黃漢儒

以子宮柱贈奉政大夫吏部郎中



陳儼

以子世蔭贈奉直大夫順天府通判

鄒國恩

以子儀周贈文林郎

謝昌應

以子聖揚贈文林郎

危應元

以子世美贈文林郎

陳日閑

以子國柱贈文林郎

葉龍

以子泳封文林郎

陳景奎

以子賀贈文林郎

官叔宴

以孫志涵贈文林郎

官良玉

以子志涵贈文林郎

南平縣誌

卷之十四 封贈

黃文卿

以子政和教諭

何仕寶

以孫陽朔知縣

何廷烈

以子偉贈文林郎

朱鏞

以子饒州府經歷

林就日

以子鍾江西靖安

丁

以子宜龍溪訓導

葉遠荃

以子日修連江

林潤蕃

以孫燧邵武教

林茂槐

以子燧邵武教授贈文林郎



危定

以孫履亭任直隸趙州

危振

以子履亭任直隸趙州

陳國樑

以子正儒松溪

王希向

以孫之藩國子監

王如綸

以子之藩國子監

應鐘

以孫丹詔浙江義烏

應射策

以子丹詔浙江義烏

洪朝鼎

以孫煜援例州

洪基

以子煜援例州

南平縣誌

卷之十四 封贈

江巨濟

以孫允清援例州

江漢雲

以子允清援例州

封贈武職

國朝

胡存性

以子楷泉州城守營

葉文祿

以孫桐紹興守備

葉珩

以子桐紹興守

楊岑雲

以孫陸任建鎮中營

楊克生

以子陸任建鎮中營



朱洵 以曾孫振飛任漳鎮中營

朱翹梅 以孫振飛任漳鎮中營

朱炯 以子振飛任漳鎮中營

王可象 以孫洪兆任建鎮中營

王國寶 以子洪兆任建鎮中營

施邦畧 以孫聖哲任延把

施朝椿 以子聖哲任延把

曹琪 以子秀芳任北路協右

蔭子

南平縣誌

卷之十四

封贈

五

宋

吳君倚 輔子廕興 吳孝友 武陵子廕通直郎

吳天民 孝友子廕丞直 郎監交思院丞

吳堯臣 棟子廕飛 山巡檢

元

吳用 壁子廕 太學生

明

羅雲鳳 明次子宜 城主簿

劉華 璋繼孫 廕監

游于廣 戶部郎中 居敬子南京



國朝

鄒光泰

儀周元孫  
廕恩騎尉

吳鵬高

洪子廕  
雲騎尉

陳映壁

桓壁弟廕  
雲騎尉

官道忻

廷梅子廕  
雲騎尉

陳元輝

雲繼子廕  
雲騎尉

鄉賓

明 大賓

黃中

大賓

羅雲麟

大賓

陳師伊

大賓

游王廷

大賓十  
有六

應懋期

大賓

吳鳳

胡友敬

謝應壽

南平縣誌

卷之十四

封贈

六

國朝

王志伊

林日勳

大賓

葉榮我

黃漢儒

危世美

陳國柱

王際鏢

朱溪

已上大賓

陳琚

朱先登

朱萬春

謝豐

陳有祥

胡虞賢

余殿颺

曹光禴

應元龍

黃宏道

已上舊  
介賓

劉元和

危應元

徐德濟

吳善建



林廷華

葉節高

李瑪

王仕儀

吳寵

陳其序

王君惠

梁鑫慶

黃綸

章帝佐

駱龍姿

應彤蛟

危汝樞

邱上選

楊紹

林夢龍

黃師熹

鄧繼康

魏天任

鄧陸祚

鄧本明

林廷柱

鄒大勳

魏中柱

徐士臣

黃雲蔚

已上舊者資

南平縣誌

卷之十四

封贈

七

耆壽

明

魏文選

一百歲

葉成章

九十歲

陳

凱

九十歲

黃應宿

九十歲

國朝

林錦

九十歲

林日勳

九十歲

余殿銓

九十歲

曹承席

九十歲

黃永綬

九十歲

游嘉度

九十歲

葉維標

九十歲

葉光弼

九十歲

朱捷

九十歲

陳

九十歲

黃孔容

一百歲

周子皇

現年九歲



盧廷光 九十一歲 現年九十九歲 蔡廷宣 現年九十九歲 同堂

羅觀光 九十歲 張天機 現年九十歲 楊其銓 八十六歲 同堂

陳茂功 九十歲 游朝霜 九十歲 班 九十歲 凱 九十歲

吳成建 九十五歲 同堂 蔡熊兆 九十六歲

應樹穀 九十歲 曾振芳 九十歲 應朝欽 九十歲

羅伯高 九十歲 姜雲章 九十歲 陳有威 九十歲

鄧伯英 九十歲 鄒公翼 九十歲 莊煥廷 九十歲

陳廷商 九十歲 陳子會 九十歲 陳奇璟 九十歲 同堂

鄧維光 九十歲 張經德 九十歲 劉廷鎮 九十歲

南平縣誌 卷之十四 封贈 八

姚永華 現年九十歲 盧 齋 現年九十一歲

盧 渤 現年九十四歲 葉增智 九十七歲

廖賜壽 九十歲 鄭天祿 九十歲 梁景祐 九十一歲

盧文燦 九十歲 張之樞 八十六歲 同堂

曹文重 八十二歲 同堂 陳軒儒 九十一歲 同堂

女壽

壽婦

胡敦元妻陳氏 一百歲 馬文福妻陳氏 一百歲

應汝輝妻葉氏 現年九十一歲 同堂



胡虞鼎妻陳氏 一百歲

胡恒迎妻鄭氏 現年九十五歲

陳廷柱妻鄭氏 九十九歲

甘周氏 現年九十八歲

葉茂元妻陳氏 九十七歲

聶楊氏 九十歲

吳皇正妻魏氏 九十歲

五

陳廷華妻余氏 九十九歲

吳朝元妻謝氏 九十九歲

陳奇璟妻吳氏 九十九歲

劉孚中妻廖氏 九十九歲

黃朝禹妻盧氏 九十九歲

黃維積母盧氏 九十九歲

南平縣誌

卷之六

封贈

九

梁馨祖妻王氏 現年九十一歲

葉彥光妻張氏 九十九歲

廖以誠妻張氏 九十九歲

范貽久妻劉氏 九十九歲

梁喬妻徐氏 九十九歲

駱龍光妻盧氏 九十九歲

駱升鼎妻朱氏 九十九歲

駱智慧妻王氏 九十九歲

梁宜爾妻應氏 九十九歲 李阿保妻盧氏 現年九十四歲

代同堂

